

**ხელშეკრულება**  
**სახელმწიფო შესყიდვების შესახებ N06/03/21**

**2021 წელი**

ჩვენ, ერთის მხრივ, სსიპ საგანგებო სიტუაციების კოორდინაციისა და გადაუდებელი დახმარების ცენტრი (ს/კ 205307960) (შემდგომში - „შემსყიდველი“), წარმოდგენილი მისი დირექტორის ალექსანდრე კალანდიას სახით და მეორეს მხრივ, საქართველოს გარემოს დაცვისა და სოფლის მეურნეობის სამინისტროს - სსიპ ეროვნული სატყეო სააგენტოს (შემდგომში - „მიმწოდებელი“) წარმოდგენილის მცხეთა-მთიანეთის სატყეო სამსახურის უფროსი - ლევან ზადაგაძეს (პ/ნ 31001012199) სახით, „სახელმწიფო შესყიდვების შესახებ“ საქართველოს კანონის 10<sup>1</sup> მუხლის, მე-3 პუნქტის, „ზ“ ქვეპუნქტისა და „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების 46<sup>3</sup> მუხლის გათვალისწინებით, სსიპ საგანგებო სიტუაციების კოორდინაციისა და გადაუდებელი დახმარების ცენტრის 2021 წლის სახელმწიფო ბიუჯეტის დაფინანსების ფარგლებში, გამარტივებული შესყიდვის საშუალებით, ვდებთ სახელმწიფო შესყიდვების შესახებ ხელშეკრულებას შემდეგზე:

**1. ხელშეკრულებაში გამოყენებულ ტერმინთა განმარტებები**

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) ”შემსყიდველსა“ და ”მიმწოდებელს“ შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს ”შემსყიდველმა“ ”მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „საშეშე მერქანი“ - ხე-ტყის დამზადების შედეგად, ხე-ტყისგან მიღებული ერთ მეტრამდე სიგრძის დაკოტრილი და წვრილი ბოლოდან 12 სანტიმეტრის და მეტი დიამეტრის მქონე ან ხის ნაწვერალიდან, ტოტებიდან და ძირკვებიდან მიღებული მერქნული რესურსი.

**2. ხელშეკრულების საგანი**

ხელშეკრულების საგანს წარმოადგენს „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების 27<sup>5</sup> მუხლის მე-6 პუნქტის, 45-ე მუხლის პირველი და მე-2 პუნქტისა და 46<sup>3</sup> მუხლის შესაბამისად სსიპ საგანგებო სიტუაციების კოორდინაციისა და გადაუდებელი დახმარების ცენტრის, თიანეთის რაიონული სამსახურის ნაქალაქარის (ერწოს დასახლება) ფილიალისთვის (მის. თიანეთის მუნიციპალიტეტის სოფელი ნაქალაქარი) საშეშე მერქნული რესურსის მიწოდების უზრუნველყოფის მომსახურების სახელმწიფო შესყიდვა (CPV - 03413000). კერძოდ, 5 მ<sup>3</sup> დამზადებული ფოთლოვანი ჯიშის საშეშე მერქნული რესურსის დაჩეხვა-დაპობა და გადატანა თიანეთის მუნიციპალიტეტის ტერიტორიაზე, დანართში მითითებულ ლოკაციაზე და აღნიშნულ ლოკაციაზე გადმოტვირთვა/დასაწყობება.

**3. ხელშეკრულების ღირებულება**

- 3.1. ხელშეკრულების ღირებულება განისაზღვრება ეროვნულ ვალუტაში და შეადგენს არაუმეტეს 550,00 (ხუთას ორმოცდაათი) ლარს.
- 3.2. ერთი კუბური მეტრი საშეშე მერქნული რესურსის სარეალიზაციო ფასი განისაზღვრება „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების N9 დანართის შესაბამისად, მერქნული რესურსის სახეობების მიხედვით და შეადგენს ამ ხელშეკრულების მე-2 მუხლში მითითებული მერქნული რესურსისთვის 90,00 (თხმომცდაათი) ლარს (დანართის შენიშვნის გათვალისწინებით რომ დადგენილი სარეალიზაციო ფასები მოცემულია 30 კმ-ის ჩათვლით მანძილზე

ტრანსპორტირებით, ხოლო 30 კმ-ის ზევით, ყოველ მომდევნო კილომეტრზე ფასს ემატება 1კმ-ზე 0.50 ლარი). ასევე 1 კმ-ს დაჩეხვა-დაპობის მომსახურების ღირებულება შეადგენს 20 ლარს.

3.3. ხელშეკრულების ღირებულება მოიცავს შესყიდვის ობიექტის შესყიდვასთან დაკავშირებულ ყველა ხარჯს, საქართველოს კანონმდებლობით გათვალისწინებულ ყველა სახის გადასახადსა და მოსაკრებელს.

#### **4. შესყიდვის ობიექტის მიწოდების პირობები, ვადა და ადგილი**

4.1. "მიწოდებელი" შესყიდვის ობიექტის მიწოდებას უზრუნველყოფს ეტაპობრივად, არა უგვიანეს **2021 წლის 01 აპრილისა**.

4.2. შესყიდვის ობიექტის მიწოდების ვადაში არ ჩაითვლება დროის ის პერიოდი, რომლის განმავლობაშიც ის შეჩერებულია "შემსყიდველის" მიზეზით.

4.3. შესყიდვის ობიექტის მიწოდების ადგილია - ხელშეკრულების დანართში მითითებული ლოკაციების ადგილსამყოფელი.

#### **5. ხელშეკრულებით ნაკისრი ვალდებულებების შესრულების ინსპექტირება**

5.1. ხელშეკრულებით ნაკისრი ვალდებულებების შესრულების ინსპექტირებას განახორციელებს "მიმწოდებლის" მხრიდან კონკრეტული უზნის უფროსი და „შემსყიდველი“ ორგანიზაციის თიანეთის რაიონული სამსახურის უფროსი.

5.2. ინსპექტირება გულისხმობს "მიმწოდებლის" მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.

5.3. ინსპექტირების შედეგად ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება "მიმწოდებელს" საქართველოს კანონმდებლობით დადგენილი წესით.

5.4. ამ მუხლის არც ერთი პუნქტი არ ათავისუფლებს "მიმწოდებელს" მოცემული ხელშეკრულებით გათვალისწინებული ვალდებულებებისაგან.

#### **6. შესყიდვის ობიექტის მიღება-ჩაბარების წესი**

6.1. შესყიდვის ობიექტი მიწოდებულად ჩაითვლება მხოლოდ მხარეებს შორის შესაბამისი მიღება-ჩაბარების აქტის გაფორმების შემდეგ.

6.2. მიღება-ჩაბარების აქტში ნაჩვენებია უნდა იქნას მიწოდებული შესყიდვის ობიექტის ოდენობა და ღირებულება.

6.3. "მიმწოდებელი" ვალდებულია შესყიდვის ობიექტის მიწოდების დადასტურებისა და ანაზღაურების მიღების მიზნით, "შემსყიდველს" შესყიდვის ობიექტთან ერთად წარმოუდგინოს შესაბამისი ფინანსური დოკუმენტაცია.

6.4. "შემსყიდველის" მხრიდან მიღება-ჩაბარების აქტზე ხელმოწერის უფლებამოსილება ენიჭება, ცენტრის თიანეთის რაიონული სამსახურის უფროსს, ხოლო "მიმწოდებლის" მხრიდან კონკრეტულ სატყეო უზნის უფროსს.

6.5. „შემსყიდველი“-ს მხრიდან განხორციელებული მომსახურების მიწოდების შესახებ საბოლოო მიღება-ჩაბარებას ხელს აწერს **სსიპ საგანგებო სიტუაციების კოორდინაციისა და გადაუდებელი დახმარების ცენტრის** ლოგისტიკის დეპარტამენტის უფროსი და ცენტრის თიანეთის რაიონული სამსახურის უფროსი, ხოლო „მიმწოდებლის“ მხრიდან მცხეთა-მთიანეთის სატყეო სამსახურის უფროსი.

#### **7. ანგარიშსწორების ფორმა და ვადები**

7.1. მიმწოდებელთან ანგარიშსწორება იწარმოებს, ფაქტიურად გაწეული მომსახურების შესაბამისად, უნაღდო ანგარიშსწორების ფორმით, ეროვნულ ვალუტაში, მხარეების მიერ ხელშეკრულებაში მითითებულ საბანკო ანგარიშზე.

7.2. მიმწოდებელთან ანგარიშსწორება იწარმოებს ფაქტობრივად მიწოდებული შესყიდვის ობიექტის შესაბამისად, მხარეების უფლებამოსილი პირების მიერ ხელმოწერილი მიღება-ჩაბარების აქტისა და წარმოდგენილი საგადასახადო ანგარიშფაქტურის საფუძველზე, აღნიშნული დოკუმენტაციის წარმოდგენიდან არაუგვიანეს 10 (ათი) კალენდარული დღის განმავლობაში.

#### **8. მხარეთა უფლება-მოვალეობანი**

8.1. **"შემსყიდველი" უფლებამოსილია:**

ა) ნებისმიერ დროს განახორციელოს "მიმწოდებლის" მიერ ნაკისრი ვალდებულებების შესრულებისა და ხარისხის ინსპექტირება;

ბ) მიმწოდებლის ქმედებით ამ ხელშეკრულების მე-9 მუხლის შედეგების დადგომისას, გაწეული მომსახურების ღირებულება გადაიხადოს მიმწოდებლის მიერ პირგასამტეხლოსა და ჯარიმის გადახდის დამადასტურებელი დოკუმენტებისა და მე-6 მუხლით გათვალისწინებული დოკუმენტაციის წარდგენიდან 10 დღის განმავლობაში.

## 8.2. "შემსყიდველი" ვალდებულია:

- ა) უზრუნველყოს შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, "მიმწოდებელს" გაუწევს შესაბამის კონსულტაციას.

## 8.3. "მიმწოდებელი" უფლებამოსილია:

- ა) მოსთხოვოს "შემსყიდველს" მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

## 8.4. "მიმწოდებელი" ვალდებულია:

- ა) მიაწოდოს შემსყიდველს ხელშეკრულების პირობებით გათვალისწინებული მომსახურება, ხოლო ნაკლის აღმოჩენის შემთხვევაში დაუყოვნებლივ აღმოფხვრას ყველა უზუსტობა.
- ბ) სრულად აანაზღაუროს მისი ბრალეულობითა და დაუდევრობით გამოწვეული ზარალი.
- გ) დროულად განიხილოს "შემსყიდველის" მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

8.5. თითოეული მხარე ვალდებულია კეთილსინდისიერად შეასრულოს ხელშეკრულებით ნაკისრი ვალდებულებები.

## 9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,01%-ის ოდენობით.

9.2 ხელშეკრულებით ნაკისრი ვალდებულებების შეუსრულებლობის, არასრულად ან არაჯეროვნად შესრულების შემთხვევაში, მიმწოდებელი ჯარიმდება ხელშეკრულების ჯამური ღირებულების 0.1%-ის ოდენობით.

9.3. იმ შემთხვევაში, თუ დაკისრებული პირგასამტეხლოს ჯამური თანხა შეადგენს ხელშეკრულების ჯამური ღირებულების 5%-ს, "შემსყიდველი" იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.5. პირგასამტეხლოს გამოთვლისას არ გამოიანგარიშება ხელშეკრულებით გათვალისწინებული ინსპექტირებისთვის გახარჯული დრო.

9.6. გამოვლენილი დეფექტის აღმოფხვრასთან დაკავშირებით ინსპექტირების ჯგუფის მიერ განსაზღვრულ და „შემსყიდველთან“ შეთანხმებულ ვადაზე არ ვრცელდება საჯარიმო სანქციები.

## 10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები "შემსყიდველისთვის", გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია 10.3 პუნქტით გათვალისწინებულ გადაწყვეტილების მიღების განზრახვის შესახებ დაუყოვნებლივ, წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

## 11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა აცნობოს მეორე

მხარეს კომუნიკაციის ელექტრონული საშუალებით ან/და გაუგზავნოს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ 3 (ორი) სამუშაო დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

11.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

## 12. ფორს-მაჟორი

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორს-მაჟორის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ ერთ-ერთი მხარე ფორს-მაჟორული მდგომარეობის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

12.3. მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

## 13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა უთანხმოება და დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

## 14. ხელშეკრულების მოქმედების ვადა

ხელშეკრულება ძალაშია ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული ვალდებულებების სრულ და ჯეროვან შესრულებამდე, 2021 წლის 01 მაისის ჩათვლით.

## 15. შესყიდვის ობიექტის სტანდარტები

ხელშეკრულების ფარგლებში მიწოდებული მომსახურების სპეციფიკაციები უნდა შეესაბამებოდეს მოქმედ სტანდარტებსა და ტექნიკურ ნორმებს.

## 16. სხვა პირობები

ხელშეკრულება და მასთან დაკავშირებული ყველა მოლაპარაკება და სხვა დოკუმენტაცია, რომლებიც გაიცვლება მხარეთა შორის, ფორმდება ელექტრონული სახით ქართულ ენაზე.

## 17. მხარეთა რეკვიზიტები

### ”შემსყიდველი”

სსიპ „საგანგებო სიტუაციების კოორდინაციისა და გადაუდებელი დახმარების ცენტრი“

იურიდიული მისამართი: ქ. თბილისი აკაკი წერეთლის გამზირი N144

ს/კ: 205307960

ფაქტიური მისამართი: ქ.თბილისი აკაკი წერეთლის გამზირი N121

დაფინანსების წყარო: სახელმწიფო ბიუჯეტი

საბანკო რეკვიზიტები

ხაზინის ერთი ანგარიში

ბანკის კოდი: TRESGE22

შიდა ანგარიში - 200122900

სახაზინო კოდი - 2703030701

დირექტორი

ალექსანდრე კალანდია

### ”მიმწოდებელი”

საქართველოს გარემოს დაცვისა და სოფლის მეურნეობის სამინისტროს

სსიპ ეროვნული სატყეო სააგენტო

ტელ. 577 556 034

ელ. მისამ. [kmcitui@gmail.com](mailto:kmcitui@gmail.com)

მის: ქ. თბილისი, გ. გულუას ქ. №6

ს/კ: 204578581

საბანკო რეკვიზიტები: სახელმწიფო ხაზინა

კოდი: TRESGE22

ა/ა: 707367309

მცხეთა-მთიანეთის სატყეო სამსახურის უფროსი  
ლევან ზადაგაძე

2021 წლის თბობის სეზონისთვის შესასყიდი მერქნული რესურსის დასაწყობების ლოკაციები და შესაბამისი ღირებულება

შეშის დასაწყობების ლოკაცია	შესატანი რაოდენობა (კბმ)	ხე-ტყის საწყობის ადგილმდ.	ტრანსპორტირების მანძილი (კმ)	1 კბმ-ს ფასი (ლარი)	სულ ღირებულება (ლარი)
სსიპ საგანგებო სიტუაციების კოორდინაციისა და გადაუდებელი დახმარების ცენტრის, თიანეთის რაიონული სამსახურის ნაქალაქარის (ერწოს დასახლება) ფილიალისთვის (მის. თიანეთის მუნიციპალიტეტის სოფელი ნაქალაქარი)	5	თიანეთი, სოფ. ნაქალაქარი	28	90.00	450
			დაჩეხვა-დაპობა	20	100
<b>ს უ ლ:</b>					<b>550.00</b>